

計，令班勇將五百人出屯柳中。柳中即今魯克沁地，與高昌爲近。故就記載所述，終後漢之世，即對於樓蘭故墟即羅布淖爾北岸不見有若何之措施也。至於南道在後漢之時，則爲漢朝所注意。蓋後漢既注意伊吾，但鄯善亦當南道衝要，若不取以爲犄角，設鄯善與車師聯合以阻漢道，亦足以威脅伊吾。故當明帝永平中，竇固攻伊吾盧地，即令班超收撫鄯善以爲後援。班超以英勇之姿，率三十六人攻陷匈奴使節，威震西域，鄯善遂爲藩屬。班超因之以鎮撫南道諸國，平定西域。安帝之初，阻於羌亂，而西域諸國一度被迫於匈奴，而鄯善未幾亦降。據後漢書班超傳，班勇上議稱：『今鄯善王尤還，漢人外孫，若匈奴得志，則尤還必死。此等雖同鳥獸，亦知避害。若出屯樓蘭，足以招附其心。』據此是鄯善自永平以來，即爲中國藩屬，且嘗與中國有婚嫁之誼。故鄯善王廣及尤還二世，均嘗以兵助超勇平定西域之亂也。然鄯善王雖屬於漢，但仍擁有國土與名號。故終後漢之世，其勢力與疆域特別疆大。至三國時，本魏略所記，情形與後漢略同，唯戎盧屬于寘疆域，較後漢略異耳。又據陳壽魏志烏丸傳所述，稱龜茲，于寘、烏孫、康居、疏勒、月氏、鄯善、車師之屬，無歲不朝貢，略如漢時故事。又稱『文帝黃初三年二月，鄯善、于寘、龜茲王各遣使貢獻，魏置戊己校尉以統之。』是鄯善在三國時仍服屬於曹魏。至晉惠以後，中朝威力不暨於西土，而中西交通遂致隔絕矣。

二、樓蘭故地之復活與最後之放棄 吾人研究西域歷史，至魏晉以後，極感困難。一因中原擾攘，中西交通隔絕；二因中土迭經傷亂，記載殘缺或散失。據吾人推測，正值佛教東來，西域文明達到最高點之時，而中國除一般遊僧冒險探尋外，中國學人尙困於災亂，曹然不知。又時中國人民流離轉徙於異域，開國建土，或孤守臣節，遠承正朔，仰望天朝。自魏晉以來二百餘年之間，不少可記之事。今參考近來考古學上之發現及略見於記載者，概述如次：

一九〇〇年，斯文赫定在羅布北區發見故樓蘭遺址，探獲文書中有咸熙、泰始、永嘉各年號之記載。按咸熙爲曹魏最後之帝陳留王奐年號；泰始爲晉武帝年號；永嘉爲晉懷帝年號。是此地公元二六五—三一〇年約四十